

Sa cultura a domu cun “MuseoOristano, Pinacoteca, Antiquarium arboreense, Biblioteca Archìviu stòricu e Sartiglia”

S'oferta culturali de sa tzitadi de Aristanis sighit.

Fintzas in custu momentu aici difizili s' Assessoradu comunali a sa Cultura, cun s'ajudu de sa Fundatzioni Aristanis, imperat totus is instrumentus multimedialis chi tenit a dispositzioni po ammanniai e garantiri un'oferta sèmpiri prus ampra a su servitziu de de is tzitadinus.

“Po cumbati s'emergèntzia Coronavirus e sighendi is ùrtimas diretivas de su guvernu, eus ativau diversus servitzius de importu mannu, manigiaus fintzas cun piataforma de “smart-working” - narat s'Assessori a sa Cultura Massimiliano Sanna -. Is operadoris de “MuseoOristano, Pinacoteca Carlo Contini, Antiquarium arboreense”, Biblioteca comunali, Archìviu stòricu e Tzentru de documentatzioni a pitzus de sa Sartiglia, sunt fadendi sa parti issora po assigurai unu agiudu, a is istudentes chi non podint frequentai is letzionis in scola e a is mannus chi po mori de is impinnus de ònnia di non si podint dedica a sa connoscèntzia de sa tzitadi issora.

“Custas dis duncas ca tocat a marolla abarrai in domu, podint èssiri imperadas po connòsciri mellus Aristanis – sighit a nai s'Assessori Sanna -. Bastat unu computer, uno smartphone o unu tablet po scoberri sa stòria nosta, cussa de is monumentus e dei is personàgius. Po aprofundiri o scoberri cosas nobas chi pertocant Aristanis. Cun is instrumentus chi teneus oi, podeus fai meda. “

MuseoOristano – Ddu podeis agatai a s'indiritzu www.museooristano.it ; su situ giarit sa possibilitadi de fai unu giru virtuali in sa tzitadi de Aristanis, abarrendi sètzius in domu e scoberrendi su valori de sa cultura, de is bellesas de su patrimoniu artisticu nostu e de is museus. Su viàgiu virtuali cun novas, dudas, eventus e is mustras de sa Pinacoteca Comunali Carlo Contini sighit fintzas in sa fan page OristanoCulturaEventi, in sa pàgina ufiziali comunali de is iniziative culturalis e de is eventus in

www.facebook.com/OristanoCulturaEventi/ , in sa fanpage Facebook de su situ MuseoOristano www.facebook.com/MuseoOR e su profilu Instagram www.instagram.com/museooristano/ .

Museu Archeològicu Antiquarium Arboreense - Sa strùtura museali at abertu is gennas a mesu de sa fan page www.facebook.com/MuseoArcheologicoAntiquariumArboreense/ e de su profilu Instagram www.instagram.com/antiquarium.arboreense/ , contendi is istòrias de is repertus allogaus a intru, fintzas imperendi giogus alliongius a s'archeologia, ammostendi cun videus e fotografias is'arricu patrimoniu culturali de sa tzitadi.

Archìviu Stòricu Comunali -www.facebook.com/archivistoricocomuneoristano est sa fanpage innui si podit abarrai in cuntatu cun sa stòria e sa memòria de Aristanis.

Sartiglia -Sa Sartiglia chi prus pagu de unu mesi at alligrau is istradas de su tzentru stòricu cun sonus e coloris de sa tradizioni torrat a bivi a tot'annu in sa fan page Sa Sartiglia www.facebook.com/SaSartiglia/ e in Instagram www.instagram.com/sartiglia_oristano/ acumpangendi is abbitadoris a intru de sinnus,

figuras e stòria de sa Sartiglia e de is protagonistas suos. In su canali

www.youtube.com/user/SartigliaTV/video est possibili agatai cosas meda a pitzus de custa manifestatzioni.

Biblioteca comunali – Si podint pediri is liburus e audiovisivus cun cunsènnia a domitzìliu. Si podit cuntatai sa Biblioteca comunali a is nùmerus 0783 73119 e 0783 791750 su martis, giòbia e sàbudu de is 8 a is 14, o mandai una mail a biblioteca.prestito@comune.oristano.it . Su catàlugu de is liburus est disponìbili online in su situ www.biblioteca.oristano.it.

Po àteras informatzionis chi pertocant is atividadis culturalis si podit scriri a info@fondazioneoristano.it